



SEGUNDA ADDENDA AO CONVENIO CANALIZADOR DA SUBVENCIÓN DIRECTA DE CARÁCTER EXCEPCIONAL OUTORGADA POLA DEPUTACIÓN PROVINCIAL DE LUGO Á ESCUELA DE MÚSICA DE ANTAS DE ULLA, CO OBXECTO DE COLABORAR NO FINANCIAMENTO DOS GASTOS DERIVADOS DA EXECUCIÓN DA ACTUACIÓN “125 ANOS RESOANDO NO CORAZÓN DE GALICIA” NA ANUALIDADE 2021, (APROBADO POR ACORDO DA XUNTA DE GOBERNO DE DATA 24 DE SETEMBRO DE 2021).

APROBADA POR ACORDO DA XUNTA DE GOBERNO DE DATA... DE ... DE 2022

En Lugo, a ... de ... de 2022

INTERVEÑEN

Dunha parte, don José Tomé Roca, Presidente da Deputación Provincial de Lugo, con CIF P27000001 e sede social en Lugo, rúa San Marcos 8, actuando en nome e representación da citada entidade, segundo dispón o artigo 34 b) da Lei 7/1985, do 2 de abril, Reguladora das Bases do Réxime Local.

E doutra parte, dona Alba Val Noguerol con DNI ***5250**, na súa condición de representante legal, actúa en nome e representación da entidade ESCUELA DE MÚSICA DE ANTAS DE ULLA, en adiante beneficiario, con NIF G27029891 e con sede social en Rúa Miguel Ángel Blanco, s/n (Casa da Cultura) - 27570 - Antas de Ulla (Lugo), con acreditación suficiente para a celebración deste acto, segundo consta no expediente tramitado a tal efecto.

Actúa dona María Esther Álvarez Martínez, Secretaria Xeral da Deputación Provincial de Lugo, no exercicio das funcións que lle son propias de acordo coa normativa de aplicación.

Ambas partes:

MANIFESTAN

PRIMEIRO.- A Xunta de Goberno desta Deputación, en sesión ordinaria celebrada o día 24 de setembro de 2021, adoptou, entre outros, o acordo de prestar aprobación á seguinte proposta:

- 1. “Aprobar a excepcionalidade e outorgar a subvención directa de carácter excepcional, por importe de 18.000,00€, a favor da entidade ESCUELA DE MÚSICA DE ANTAS DE ULLA, para sufragar os gastos derivados da execución da actuación “125 anos resoando no corazón de Galicia”, subvención incluída na Liña 1.1 - Xeración de riqueza, pertencente á Área de Presidencia do vixente Plan Estratéxico de Subvencións 2020-2022, e prevista no apartado c) de Actuacións específicas previsibles neste exercicio económico 2021 para esta liña (Anexo I).*
- 2. Aprobar o gasto de 18.000,00€ con cargo á aplicación orzamentaria 9250.48900 do orzamento da Deputación Provincial de Lugo para o ano 2021, a favor da entidade ESCUELA DE MÚSICA DE ANTAS DE ULLA, para sufragar os gastos derivados da execución da actuación “125 anos resoando no corazón de Galicia”.*
- 3. Aprobar o convenio a través do que se canaliza a citada subvención, e que se incorpora ao expediente.”*

SEGUNDO.- O convenio canalizador da subvención directa de carácter excepcional outorgada pola Deputación Provincial de Lugo á entidade Escola de Música de Antas de Ulla, co obxecto de colaborar



no financiamento dos gastos derivados da execución da actuación “125 anos resoando no corazón de Galicia”, na anualidade 2021, formalizouse o 8 de outubro de 2021.

TERCEIRO.- A Xunta de Goberno desta Deputación, en sesión ordinaria celebrada o día 23 de decembro de 2021, adoptou, entre outros, o acordo de prestar aprobación á seguinte proposta:

“Modificar a cláusula sétima (Gastos subvencionables) do convenio canalizador da subvención directa de carácter excepcional outorgada pola Deputación Provincial de Lugo á entidade Escola de Música de Antas de Ulla, co obxecto de colaborar no financiamento dos gastos derivados da execución da actuación “125 anos resoando no corazón de Galicia” formalizado o 8 de outubro de 2021, nos termos da addenda incorporada ao expediente, e mantendo inalteradas o resto de cláusulas do Convenio de referencia. “

CUARTO.- A Addenda ao convenio canalizador da subvención directa de carácter excepcional outorgada pola Deputación Provincial de Lugo á entidade Escola de Música de Antas de Ulla, co obxecto de colaborar no financiamento dos gastos derivados da execución da actuación “125 anos resoando no corazón de Galicia”, na anualidade 2021, formalizouse o 23 de decembro de 2021.

QUINTO.- A representante da Escola de Música de Antas de Ulla remitiu, o 24 de xaneiro de 2022 (2022RT000645) escrito no que literalmente se establece o seguinte:

“D^a ALBA VAL NOGUEROL, con DNI 33552503-B, en calidade de Presidenta da Asociación ESCOLA BANDA DE MÚSICA DE ANTAS DE ULLA, CIF G27029891 e domicilio a efectos de notificacións en Antas de Ulla (Lugo), R/Miguel Ángel Blanco S/N, C.P. 27570, por medio do presente

SOLICITO

a ampliación do prazo de execución do convenio “125 anos resoando no corazón de Galicia” na anualidade 2021 ata o 31 de Marzo do 2022, por motivo da situación sociosanitaria do noso concello e da Comarca da Ulloa. Tal como indican as autoridades sanitarias consideramos que non procede organizar un evento cultural no que vamos contar con gran afluencia, onde poidamos poñer en risco a saúde pública. Así mesmo, debido ao retraso na execución deste convenio solicitamos a posibilidade de proceder a xustificación do mesmo ata o 30 de abril do presente ano.

Por último, cabe citar que, todas as actividades recollidas na memoria do 125 aniversario foron realizadas dentro do prazo de execución estimado inicialmente (ano 2021), á excepción da Gala de Nadal, que sería o último concerto deste proxecto. Indicar que procederemos á realización da mesma tan pronto como sexa posible e atendendo ás recomendacións das autoridades sanitarias”.

Por todo o manifestado, ambas partes recoñécense capacidade e representación suficiente para formalizar, en nome das entidades que neste acto se representan, esta Segunda Addenda ao convenio con arranxo ás seguintes:

CLÁUSULAS:

PRIMEIRA.- As partes acordan modificar a Cláusula Sétima - concretamente, o apartado referido á xustificación e aboamento da subvención, e o relativo aos gastos subvencionables - do convenio



canalizador da subvención directa de carácter excepcional outorgada pola Deputación Provincial de Lugo á entidade Escola de Música de Antas de Ulla, co obxecto de colaborar no financiamento dos gastos derivados da execución da actuación “125 anos resoando no corazón de Galicia”, na anualidade 2021, formalizado o 8 de outubro de 2021, apartados que quedarían redactados como segue:

“CLÁUSULAS:

(...)

Sétima. - Xustificación e aboamento da subvención.

Obriga establecida no 31 da Ordenanza Xeral de Subvencións e na Base 24 de execución do Orzamento Xeral Vixente.

*O beneficiario deberá achegar, como prazo máximo, **o día 30 de abril de 2022** a conta xustificativa que acredite a execución e os gastos derivados da actuación subvencionada.*

De conformidade co disposto no artigo 14 da Lei 39/2015, do 1 de outubro, do Procedemento Administrativo Común das Administracións Públicas, establécese a abrigo de que o beneficiario se relacione coa Deputación a través de medios electrónicos -telematicamente-.

Transcorrido o prazo de xustificación establecido sen achegarse a mesma, requirirase ao beneficiario para que no prazo improrrogable de quince días sexa presentada. A falta de presentación da xustificación neste prazo adicional dará lugar a que o beneficiario sexa declarado decaído no seu dereito ao trámite correspondente (artigo 73.3 da Lei 39/2015, do 1 de outubro, do Procedemento Administrativo Común das Administracións Públicas), e se inicie o procedemento de perda de dereito ao cobro da subvención ou o procedemento de reintegro, no caso de ter percibido algún anticipo ou pago a conta, sen prexuízo das demais responsabilidades previstas na lexislación xeral de subvencións e restante normativa de aplicación.

Gastos subvencionables

*Consideraranse gastos subvencionables, aqueles que de maneira indubidada, respondan á natureza da actividade subvencionada, resulten estritamente necesarios **e se realicen dentro do ano 2021 e ata o 31 de marzo de 2022.***

Considéranse gastos subvencionables os aboados dentro das anualidades correspondentes, e ata á finalización do período de xustificación previsto no convenio, ou nas súas addendas, no seu caso.

O custo de adquisición dos gastos subvencionables en ningún caso poderá ser superior ao valor de mercado.

Os gastos financeiros, os gastos de asesoría xurídica ou financeira, os gastos notariais e rexistrais, os gastos periciais para a realización do proxecto subvencionado e os de administración específicos, son subvencionables si están directamente relacionados coa actividade subvencionada e son indispensables para a adecuada preparación ou execución da mesma.

(...). ”.



SEGUNDA.- As cláusulas restantes do convenio de referencia, en tanto non queden afectadas por esta Segunda Addenda, permanecerán invariables. Ambas partes, acordan incorporar ao convenio subscrito con data 8 de outubro de 2021, esta Segunda Addenda, a cal se rexerá polas condicións estipuladas no convenio do que trae causa, formando parte integrante do mesmo.

E en proba de conformidade cos termos expostos, as partes comparecentes asinan a presente, que consta de 4 páxinas numeradas, da que como Secretaria dou fe.

O PRESIDENTE,

A representante legal da ESCUELA DE
MÚSICA DE ANTAS DE ULLA

Asdo.: José Tomé Roca

Asdo.: Alba Val Nogueiro

A SECRETARIA XERAL

Asdo.: María Esther Álvarez Martínez